



KOMUNIKADO PA PRENSA

Fecha

7 di yüli 2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

Eksitoso anochi di informashon tokante Konstrukshon di un área di rekreashon i deporte na Cas Grandi.

Willemstad – Djarason último Minister Suzy Camelia-Römer huntu ku Domeinbeheer i C-Post International a invitá tur habitante di Cas Grandi, Hoenderberg i besindario kordialmente na un anochi di informashon tokante konstrukshon di un área di rekreashon i deporte na Cas Grandi i introdukshon di Community Mailboxes. Durante e seshon a duna splikashon tokante e diferente plannan di desaroyo i a tuma konseho pa mehorashon di e plannan serka habitantenan, kende lo ta e usuarionan primordial di e facilidatnan aki.

E proyekto di konstrukshon ta un di e tantísimo proyektonan di Minister Suzy Camelia-Römer huntu ku Domeinbeheer ku ta enfoká riba inklushon, inovashon i integrashon di Kòrsou. Plan pa e área di rekreashon i deporte duradero a ser diseñá pa e arkitekto Lyongo Juliana i ta konsistí di diferente fase. E promé fase ta enserá konstrukshon di dos kancha di tènis, un kiosko unda por kumpra algu di konsumo, un área ku aparatonan di entrenamentu, un área di rekreashon pa mucha i un plenchi grandi kaminda por selebrá entre otro aktividatnan manera dia di himno i bandera.

Riba e plenchi lo pone un busto di señor José Donicio Felipa kende ta e baluarte di e bisindario aki. E promé fase ta enserá tambe renobashon di e vèlt aktual di ‘mini voetbal’, instalashon di mashin di ATM i instalashon di Community Mailboxes.

A presentá tur esaki na e habitantenan ayera i a risibí diferente komentario pa mehorashon i a kontestá tur pregunta. Habitantenan kier a sa entre otro ta ken lo hasi mantenshon di e área di rekreashon i deporte i si e materialnan ku lo usa ta duradero. A splika ku sigur a tene kuenta ku e aspekto di durabilidad pa loke ta trata material di konstrukshon. Tambe a indiká ku tin un fundashon asigná pa hasi tur trabou di mantenshon i ku lo tin vegetashon di palu indígeno kual ta mas duradero. Un petishon ku a bin dilanti tambe tabata pa pone e Community Mailboxes na e plenchi mes, pero pa pone esakinan na mas kaminda tambe, manera por ehèmpel pa Hoenderberg i pa Cas Grandi.

Segun planifikashon aktual, ta spera di ta kla ku e promé fase na luna di novèmber, pa seguidamente kontinuá ku implementashon di e siguiente fase nan. Minister Suzy Camelia-Römer i Domeinbeheer trahando duru sigur riba un Kòrsou ekselente!